

## Alice, Bob, and Circuit

Cyberland Circuit Foundation-ը բաղկացած է  $n$  անդամներից: Յուրաքանչյուր անդամ ունի իր սիրելի համարը և եզակի անունը (սիրելի թվերը կարող են տարբեր չլինել):

$m$  նամակներ են ուղարկվել անդամների միջև: Յուրաքանչյուր նամակ ունի ուղարկող և ստացող, և նամակի բովանդակությունը ուղարկողի սիրելի թիվն է:

Յուրաքանչյուր անդամ հաշվում է իր ստացած բովանդակության գումարը (ուղարկողների սիրելի համարները) և որպես արդյունք վերցնում է  $65536$ -ի (այսինքն՝  $2^{16}$ ) բաժանելուց մնացորդը:

Ձեր խնդիրն է պարզել բոլոր արդյունքները:

Այնուամենայնիվ, իրավիճակն այնքան էլ պարզ չէ, որքան թվում է: Alice-ը, Bob-ը և Circuit-ը որոշում են լուծել այս խնդիրը մի փոքր ավելի բարդ ձևով:

- Alice-ը գիտի բոլոր  $n$  անդամներին (նրանց անունները և սիրելի թվերը), սակայն տեղեկություն չունի նամակների մասին: Նա պետք է Circuit-ին ուղարկի երկուական տող, որի երկարությունը չի գերազանցում  $10^5$ -ը:
- Bob-ը ունի տեղեկություն բոլոր  $m$  նամակների մասին (ուղարկողների և ստացողների անունները), բայց տեղեկություն չունի անդամների մասին: Նա պետք է Circuit-ին ուղարկի երկուական տող, որի երկարությունը չի գերազանցում  $10^5$ -ը:
- Circuit-ը կարող է ստանալ Alice-ի և Bob-ի ուղարկած երկուական տողերը, և ելքում հաջորդաբար գեներացնի  $16n$  բիթերից կազմված երկուական տողեր: Սակայն, իր հաշվողական հզորության սահմանափակության պատճառով, Circuit-ը կարող է կատարել միայն հասարակ տրամաբանական գործողություններ (օրինակ, AND, OR, NOT):

Հաջորդիվ կներկայացնենք circuit-ի աշխատանքի մանրամասները:

### Circuit-ի մանրամասները

Գեյթը սխեմայի հիմնական տարրն է: Գեյթը բաղկացած է զրո կամ երկու բուլյան մուտքերից (կախված գեյթի տեսակից) և մեկ բուլյան ելքից: Գոյություն ունեն երկու տեսակի գեյթեր՝ մուտքային գեյթեր և հաշվողական գեյթեր:

- Մուտքային գեյթերը մուտք չունեն և ներկայացնում են Alice-ի և Bob-ի ուղարկած երկուական տողերի բիթերը:
  - Լինելու են  $I_A + I_B$  հատ մուտքային գեյթեր, համարակալված  $0$ -ից  $(I_A + I_B - 1)$  թվերով, որտեղ  $I_A$ -ն,  $I_B$ -ն, համապատասխանաբար, Alice-ի և Bob-ի ուղարկած տողերի երկարություններն են:
  - $0 \leq i < I_A$ , համար  $i$ -րդ գեյթի ելքը Alice-ից ստացված տողի  $i$ -րդ բիթն է:
  - $0 \leq i < I_B$  համար  $(i + I_A)$ -րդ գեյթի ելքը Bob-ից ստացված տողի  $i$ -րդ բիթն է:
- Հաշվողական գեյթերն ունեն երկու մուտք և ներկայացնում են հաշվողական պրոցեսը:
  - Հաշվողական գեյթերի համարները սկսում են  $(I_A + I_B)$ -ից:
  - Յուրաքանչյուր հաշվողական գեյթի համար դուք պետք է ներկայացնեք երկու անկախ գեյթերի համարներ որպես մուտք և գործողության  $p$  ( $0 \leq p \leq 15$ ) տեսակը:
    - Ցիկլիկ կախվածությունից խուսափելու համար երկու անկախ գեյթերի համարները պետք է փոքր լինեն հաշվողական գեյթի համարից:
    - Եթե երկու անկախ գեյթերի ելքերը, համապատասխանաբար,  $x_0$  և  $x_1$  են ( $x_0, x_1 \in \{0, 1\}$ ), ապա հաշվողական գեյթի ելքը լինում է.

$$f(p, x_0, x_1) = \left\lfloor \frac{p}{2^{x_0 + 2x_1}} \right\rfloor \bmod 2$$

Ահա մի քանի օգտակար օրինակներ.

$x_0$	$x_1$	$x_0$ AND $x_1$ $f(8, x_0, x_1)$	$x_0$ OR $x_1$ $f(14, x_0, x_1)$	$x_0$ XOR $x_1$ $f(6, x_0, x_1)$	NOT $x_0$ $f(5, x_0, x_1)$
0	0	0	0	0	1
1	0	0	1	1	0
0	1	0	1	1	1
1	1	1	1	0	0

# Իրականացման մանրամասներ

Նկատել, խնդրեմ.

- Բոլոր զանգվածների ինդեքսները սկսվում են 0-ից: Օրինակ, եթե  $a$ -ն  $n$  երկարության զանգված է, ապա թույլատրելի արժեքներ են  $a[0]$ -ից մինչև  $a[n-1]$ , այս տիրույթից դուրս գալու դեպքում կարող է հանգեցնել սահմաններից-դուրս-գալու սխալի:
- Բոլոր տողերն ավարտվում են  $\backslash 0$  զրոյական սիմվոլով:

Դուք պետք է իրականացնեք հետևյալ ֆունկցիաները.

Alice

```
int alice(const int n, const char names[][5], const unsigned short numbers[], bool outputs_alice[]);
```

Direction	Value	Length	Meaning	Constraint
Input	$n$	1	$n$	$0 \leq n \leq 700$
	names	$n$	Յուրաքանչյուր անդամի անունը:	Բոլոր անուններն իրարից տարբեր են, բաղկացած են միայն անգլերեն փոքրատառերից և ունեն առավելագույնը 4 երկարություն:
	numbers	$n$	Յուրաքանչյուր անդամի սիրելի թիվը:	Բոլոր թվերը 0-ից 65535 սահմաններում են:
Output	outputs_alice	$l_A$	Circuit-ին ուղարկվող երկուական տողը:	
	(Return value)	1	$l_A$	Պետք է համոզված լինեք, որ $l_A$ -ն չի գերազանցում $10^5$ -ը և, երբ $n$ -ը նույնն է, $l_A$ -ն պետք է ֆիքսված լինի:

Bob

```
int bob(const int m, const char senders[][5], const char recipients[][5], bool outputs_bob[]);
```

Direction	Value	Length	Meaning	Constraint
Input	$m$	1	$m$	$0 \leq m \leq 1000$
	senders	$m$	Ուղարկողի անունը յուրաքանչյուր նամակում:	Բոլոր անունները հանդիպում են Alice-ի մուտքային տվյալներում:
	recipients	$m$	Ստացողի անունը յուրաքանչյուր նամակում:	
Output	outputs_bob	$l_B$	Circuit-ին ուղարկվող երկուական տողը:	
	(Return value)	1	$l_B$	Պետք է համոզված լինեք, որ $l_B$ -ն չի գերազանցում $10^5$ -ը, և, երբ $m$ -ը նույնն է, $l_B$ -ն պետք է ֆիքսված լինի:

Circuit

Ապահովելու համար, որ Circuit-ի հաշվարկման պրոցեսը նման լինի ընդհանրապես սխեմայի հաշվման պրոցեսի, դուք չպետք է ուղղակիորեն ստանաք Alice-ի և Bob-ի Circuit-ին ուղարկված երկուական տողերը: Դուք միայն գիտեք այդ երկու տողերի երկարությունները և ելքում տալիս եք սխեմայի կառուցվածքը:

```
int circuit(const int la, const int lb, int operations[], int operands[][2], int outputs_circuit[][16]);
```

Direction	Value	Length	Meaning	Constraint
Input	la	1	$l_A$	
	lb	1	$l_B$	
Output	operations	$l$	Սխեմայի յուրաքանչյուր գեյթի կողմից կիրառվող գործողության տեսակը:	0-ից 15 տիրույթին պատկանող ամբողջ թիվ:
	operands	$l$	Սխեմայի յուրաքանչյուր գեյթի կողմից օգտագործվող օպերանդը:	Այս թիվը պետք է փոքր լինի ընթացիկ գեյթից:
	outputs_circuit	$n$	Սխեմայի ելքի գեյթի համարը:	<code>outputs_circuit[i][j]</code> ցույց է տալիս $i$ -րդ անդամի վերջնական արդյունքի $j$ -րդ բիթը (համարակալումը սկսած ամենափոքր նշանակությամբ բիթից): Անդամները համարակալված են ըստ Alice-ի մուտքային տվյալների:
	(Return value)	1	$l$ , որը ցույց է տալիս գեյթերի ընդհանուր քանակը (ներառյալ մուտքային գեյթերը):	<b>Պետք է հազմոված լինեք, որ <math>l \leq 2 \times 10^7</math></b>

Թեկուզև դուք կարող եք ձևափոխել  $l_A + l_B$ -ից փոքր համարներով գեյթերի ինֆորմացիան `operations` և `operands` զանգվածներում, գրեյդերն անտեսելու է նման փոփոխությունները:

## Օրինակ

Դիտարկենք հետևյալ կանչերը.

```
alice(3, {"alic", "bob", "circ"}, {10000, 20000, 30000}, outputs_alice);
bob(5, {"alic", "bob", "bob", "circ", "circ"}, {"circ", "circ", "alic", "circ", "circ"}, outputs_bob);
```

Նրանք ներկայացնում են հետևյալ սցենարը.

- Alice-ը գիտի, որ կա 3 անդամ, `alic` անունով անդամի սիրելի թիվը 10000- ն է, և այլն: Հնարավոր է, որ `alice()`-ի ելքը լինի այսպիսին.
  - `alice()`-ի վերադարձի արժեքը 2 է, այսինքն  $l_A = 2$ :
  - `alice()` ֆունկցիայի ներսում վերագրենք `outputs_alice[0] = 1, outputs_alice[1] = 0`, այսինքն արդյունարար երկուական տողը լինում է 10:
- Bob-ը գիտի, որ կա 5 նամակ, առաջին նամակը ուղղված է `alic`-ից `circ`-ին, և այլն: Հնարավոր է, որ `bob()`-ի ելքը լինի այսպիսին.
  - `bob()`-ի վերադարձի արժեքը 3 է, նշանակում է  $l_B = 3$ .
  - `bob()` ֆունկցիայի ներսում վերագրենք `outputs_bob[0] = 1, outputs_bob[1] = 1, outputs_bob[2] = 0`, այսինքն արդյունարար երկուական տողը լինում է 110:

`alice()`-ի և `bob()`-ի ելքային տվյալների հիման վրա կարվի հետևյալ կանչը.

```
circuit(2, 3, operations, operands, outputs_circuit);
```

Այս ֆունկցիայի համար կոռեկտ ելքային տվյալները կլինեն այսպիսին.

- `circuit()`-ի վերադարձի արժեքը 7 է, որը նշանակում է, որ մենք ավելացրել ենք երկու հաշվողական գեյթեր, որոնց համարներն են 5 և 6:
- `circuit()`-ի ներսում `operations`-ին, `operands`-ին և `outputs_circuit`-ին արժեքներ ենք տալիս հետևյալ կերպ.
  - `operations = {-1, -1, -1, -1, -1, 8, 14}`, որտեղ օգտագործում ենք -1-երը նշելու համար, որ անտեսում ենք մուտքային գեյթերի վերաբերյալ ինֆորմացիան:

- `operands = {{-1, -1}, {-1, -1}, {-1, -1}, {-1, -1}, {-1, -1}, {0, 4}, {2, 5}};`
- `outputs_circuit = {{5, 5, 5, 5, 5, 6, 5, 5, 5, 6, 6, 6, 5, 5, 6, 5}, ...}`: Այս զանգվածի բիթերը շատ են, ամբողջությամբ կարող եք տեսնել խնդրին կցված `abc.cpp` ֆայլում:

Ըստ ելքային տվյալների հաշվման գործընթացն այսպիսին է.

- Ավելացվում է 8 տեսակի հաշվողական գեյթ, որի մուտքը ստացվում է 0 և 4 գեյթերից: 0 գեյթի ելքը Alice-ից ստացված տողի 0-րդ բիթն է, որը 1 է: 4 գեյթի ելքը Bob-ից ստացված տողի 2-րդ բիթն է, որը 0 է: Հետևաբար, 5 գեյթի ելքը լինում է  $f(8, 0, 1) = 0 \text{ AND } 1 = 0$ :
- Ավելացվում է 14 տեսակի հաշվողական գեյթ, որի մուտքը ստացվում է 2 և 5 գեյթերից: 2 գեյթի ելքը Bob-ից ստացված մուտքային տողի 0-րդ բիթն է, որը 1 է: 5 գեյթի ելքը 0 է: Հետևաբար, 6 գեյթի ելքը լինում է  $f(14, 1, 0) = 1 \text{ OR } 0 = 1$ .
- `output_circuit[0]` -ը ներկայացնում է `alic`-ի արդյունքը, որն է  $(0100111000100000)_2 = 20000$ : Քանի որ `alic`-ը նամակ ստանում է միայն `bob`-ից, `alic`-ի վերջնական արդյունքը 20000 է:
- `bob`-ի վերջնական արդյունքը պետք է լինի 0, քանի որ նա ոչ մի նամակ չի ստանում: `circ`-ի վերջնական արդյունքը կլինի  $(10000 + 20000 + 30000 + 30000) \bmod 65536 = 24464$  :

Կցված `abc.cpp` ծրագիրն այս թեստը անց է կացնում, բայց մենք չենք երաշխավորում, որ այն կարող է բոլոր թեստերն անցկացնել:

## Սահմանափակումներ

Բոլոր թեստերի համար

- $0 \leq n \leq 700, 0 \leq m \leq 1000$ .
- Բոլոր անունները տարբեր են, բաղկացած են միայն անգլերեն փոքրատառերից, և նրանցից յուրաքանչյուրի երկարությունն առավելագույնը 4 է:
- Յուրաքանչյուր անդամի սիրելի թիվը պատկանում է 0-ից 65535 տիրույթին:
- Բոլոր ուղարկողների և ստացողների անունները հանդիպում են Alice-ի մուտքային `names` զանգվածում:
- `alice()`-ի և `bob()`-ի հիշողության սահմանափակումը 2048 MiB է, իսկ ժամանակի սահմանափակումը 0.02 վայրկյան:
- `circuit()`-ի հիշողության սահմանափակումը 2048 MiB է, իսկ ժամանակի սահմանափակումը՝ 7 վայրկյան:

**Վերջնական գնահատման համար `alice()` և `bob()` ֆունկցիաները կարող են միևնույն թեստի համար կանչվել մի քանի անգամ:** 0.02 ժամանակի սահմանափակումը վերաբերում է յուրաքանչյուր կանչին:

## Ենթախնդիրներ

A տեսակի ենթախնդիրներ (12 միավոր)

1,2,3 ենթախնդիրներն A տեսակի են, որտեղ  $n = 1$ :

Յուրաքանչյուր ենթախնդիր բացի այդ ունի այսպիսի սահմանափակումներ.

- Ենթախնդիր 1 (4 միավոր)  $m = 0$ .
- Ենթախնդիր 2 (4 միավոր)  $0 \leq m \leq 1$ .
- Ենթախնդիր 3 (4 միավոր)  $0 \leq m \leq 1000$ .

B տեսակի ենթախնդիրներ (54 միավոր)

4,5,6 ենթախնդիրները B տեսակի են, որտեղ

- $0 \leq n \leq 30, \frac{n}{2} \leq m \leq n^2$
- Նույն ուղարկողով և ստացողով երկու նամակ չկա:
- Բոլոր անդամների անունները հանդիպում են Bob-ի մուտքային տվյալներում (այսինքն, յուրաքանչյուր անդամ կամ ուղարկում է մեկ նամակ, կամ ստանում է մեկ նամակ):

Ենթախնդիրներից յուրաքանչյուրն ունի լրացուցիչ այսպիսի սահմանափակումներ.

- Ենթախնդիր 4 (24 միավոր)  $n = 26$ , Բոլոր անդամների անունները մեկ տառանոց են և Alice-ի մուտքային տվյալներում նրանք հանդիպում են `a`-ից `z` հերթականությամբ:
- Ենթախնդիր 5 (24 միավոր)  $n = 26$ .
- Ենթախնդիր 6 (6 միավոր) Լրացուցիչ սահմանափակումներ չկան:

## C տիպի ենթախնդիրներ (34 միավոր)

7,8,9 ենթախնդիրները C տիպի են, որտեղ  $0 \leq n \leq 700, 0 \leq m \leq 1000$ :

Ենթախնդիրներից յուրաքանչյուրն ունի այսպիսի լրացուցիչ սահմանափակումներ.

- Ենթախնդիր 7 (18 միավոր)  $n = 676$ , բոլոր անդամների անունները երկու տառանոց են և Alice-ի մուտքային տվյալներում նարնք հանդիպում են բառարանային կարգով (այսինքն, aa, ab, ac, ..., az, ba, ..., bz, ca, ..., zz):
- Ենթախնդիր 8 (10 միավոր)  $n = 676$
- Ենթախնդիր 9 (6 միավոր) Լրացուցիչ սահմանափակումներ չկան:

## Գրեյդերի նմուշ

Գրեյդերի նմուշը մուտքային տվյալները կարդում է հետևյալ ձևաչափով.

- Տող 1.  $n \ m$
- Տող  $2 + i (0 \leq i \leq n - 1)$ .  $names_i \ numbers_i$
- Տող  $2 + n + i (0 \leq i \leq m - 1)$ .  $senders_i \ recipients_i$ .

Գրեյդերի նմուշն արտածում է հետևյալ ձևաչափով.

- Եթե ծրագիրը հաջողությամբ է ավարտվում, գրեյդերի նմուշը արտածում է  $n$  տող, յուրաքանչյուրը պարունակում է մեկ ամբողջ թիվ, որը ցույց է տալիս յուրաքանչյուր անդամի համար ձեր իրականացրած ֆունկցիաների հաշված վերջնական արդյունքը:
- Հակառակ դեպքում գրեյդերը ստանդարտ ելքում ոչինչ չի արտածում, այլ տպում է հաղորդագրություն սխալի մասին `abc.log` ֆայլում:
- Բացի այդ գրեյդերի նմուշը արտածում է  $l_A, l_B, l$  արժեքները և ֆունկցիաներից յուրաքանչյուրի աշխատելու ժամանակը `abc.log` ֆայլում:

**Գրեյդերի նմուշը չի ստուգում հիշողության սահմանափակումը և այն պայմանը, որ միևնույն  $n / m$  համար  $l_A / l_B$  պետք է լինեն հվասար:**